



XUNTA
DE GALICIA




XACOBEO 2010
Galicia




**CONVENIO DE COLABORACIÓN ENTRE A XUNTA DE
GALICIA E A FEDERACIÓN GALEGA DE MUNICIPIOS E
PROVINCIAS (FEGAMP) PARA O DESENVOLVEMENTO DA
ADMINISTRACION ELECTRÓNICA NAS ENTIDADES LOCAIS
DA COMUNIDADE AUTÓNOMA DE GALICIA**

En Santiago de Compostela, a 13 de xullo de 2010


REUNIDOS



DUNHA PARTE, don Alfonso Rueda Valenzuela, conselleiro de Presidencia, Administracións Públicas e Xustiza da Xunta de Galicia, actuando en nome e representación da Xunta de Galicia, en exercicio das súas competencias atribuídas de acordo co establecido no artigo 34 da Lei 1/1983, do 22 de febreiro, reguladora da Xunta e da súa Presidencia, modificada pola Lei 11/1988, do 20 de outubro, e o Decreto 303/2009, do 15 de marzo, polo que se establece a estrutura orgánica da Consellería de Presidencia, Administracións Públicas e Xustiza.




DOUTRA PARTE, dona M.^a del Mar Pereira Álvarez, secretaria xeral de Modernización e Innovación Tecnolóxica da Xunta de Galicia, actuando en nome e representación da Secretaría Xeral de Innovación e Modernización Tecnolóxica (en adiante, SXMIT), en exercicio das súas competencias atribuídas polo Decreto 207/2009, do 23 de abril, en virtude da desconcentración de competencias que lle atribúe a disposición adicional segunda, apartado b) do Decreto 325/2009, do 18 de xuño, polo que se establece a estrutura orgánica dos órganos superiores dependentes da Presidencia da Xunta de Galicia.



E DOUTRA PARTE, don Carlos Antonio Fernández Castro, presidente da Federación Galega de Municipios e Provincias (en adiante, Fegamp), previo acordo da Comisión Executiva do 1 de xuño de 2010.


Todas as partes comparecen en nome e representación das súas respectivas institucións, recoñecendo de modo recíproco capacidade, lexitimidade, suficiencia e vixencia das súas respectivas facultades para subscribir o presente convenio e na súa virtude,

EXPOÑEN




I.- Que a Xunta de Galicia está a desenvolver o modelo xeral de Administración electrónica na comunidade autónoma de Galicia, como marco das iniciativas de modernización das administracións públicas en todas as súas áreas. Neste marco son de resaltar as iniciativas de Administración electrónica que supoñan o establecemento dun novo modelo de relación entre a Administración, a cidadanía e as empresas, e que dean resposta aos requirimentos establecidos polos plans de actuación e marcos normativos europeos, estatais e autonómicos deste ámbito, e de xeito especial á Lei 11/2007, do 22 de xuño, de acceso electrónico dos cidadáns ós servizos públicos, á Lei 17/2009, do 23 de novembro, sobre o libre acceso ás actividades de servizos e o seu exercicio, á Lei 1/2010, do 11 de febreiro, de modificación de diversas leis de Galicia para a súa adaptación á Directiva 2006/123/CE do Parlamento Europeo e do Consello, do 12 de decembro de 2006, relativa aos servizos no mercado interior e en xeral á normativa de desenvolvemento xeral ou sectorial da Administración electrónica.

No anterior sentido, na sociedade da información, falar de modernización das administracións públicas implica apelar á súa inmersión tecnolóxica, caracterizada substancialmente polos elementos da colaboración interadministrativa, a interoperabilidade tecnolóxica, semántica, organizativa e xurídica, así como a transferencia de tecnoloxía e coñecemento, dentro do respecto aos principios de autonomía, solidariedade e impulso da cohesión territorial, conforme ao establecido no Estatuto de Autonomía de Galicia. En definitiva, significa falar de Administración electrónica.



II.- Que para o desenvolvemento e consolidación da Administración electrónica as administracións necesitan ter unha visión global, ao tempo que detallada, dos pasos que cómpre seguir para levala a cabo co fin de que o nivel de servizo chegue por igual a todos os cidadáns.



III.- Que a Xunta de Galicia, dentro da súa planificación estratéxica en materia de modernización e innovación tecnolóxica, ven despregando programas e proxectos tendentes a fomentar a cohesión, cooperación e colaboración intra e interadministrativa en tecnoloxías da información e a comunicación (TIC), así como a interoperabilidade entre as Administracións galegas.

Deste xeito, a configuración dunha administración común tecnolóxica, sobre a base dun marco galego propio de interoperabilidade, a aplicación do principio de neutralidade tecnolóxica, así como o investimento en estándares abertos e, en xeral, en fomento da administración electrónica, constitúen uns dos eixos estratéxicos do Goberno galego co obxectivo principal de consolidar a cohesión territorial desde a perspectiva tecnolóxica.

IV.- Que as Entidades locais de Galicia, definidas nos artigos 1 e 2 da Lei 5/1997, do 22 de xullo, de Administración Local de Galicia (en adiante, Entidades Locais), están a acometer importantes investimentos co obxectivo común de lles garantir aos cidadáns o acceso electrónico aos servizos.

V.- Que para a implantación dunha auténtica Administración electrónica vai ser precisa a coordinación dos procedementos, plataformas e redes de comunicacións xestionadas polas administracións locais e autonómica, de xeito que se posibilite a interacción entre todos eles para simplificar o acceso á Administración electrónica, tanto dos funcionarios públicos como dos cidadáns e das empresas. Que neste modelo tamén e preciso posibilitar a interacción coa Administración Xeral do Estado.

VI.- Que entre as competencias que, no referente ás relacións cas Entidades Locais, corresponden á Xunta de Galicia, de acordo co disposto nos artigos 194 e 195 da Lei 5/1997, do 22 de xullo, de Administración Local de Galicia, está a de cooperación e colaboración, podéndose levar a cabo mediante a subscripción de convenios.

VII.- Que o 15 de febreiro de 1996, no marco do plan de Reforma e Modernización da Administración impulsado dende a Xunta de Galicia, a Consellería da Presidencia e Administración Pública e a Fegamp asinaron un convenio de colaboración -denominado Portelo único-, co obxectivo de poñer en marcha un programa para instalar nos concellos galegos a infraestrutura informática e telemática suficiente para o funcionamento dunha oficina de información, o servizo de rexistro, o acceso ao Rexistro Xeral de Contratistas da comunidade autónoma e outros servizos. Este convenio foi ampliado na súa dimensión, posteriormente para incluír o desenvolvemento dun portal que intensificara a comunicación e tramitación de servizos a través de internet entre



as Entidades Locais e a Xunta de Galicia. Neste sentido e, dada a satisfacción por todas as partes nesta experiencia, procúrase darlle continuidade ao Portelo único co presente convenio.

VIII.- Que o día 28 de setembro de 2009 se formalizou un protocolo de colaboración entre a Xunta de Galicia, as Deputacións provinciais da Coruña, Lugo, Ourense e Pontevedra e a Fegamp para o desenvolvemento da eAdministración en Galicia, co obxectivo de realizar a planificación conxunta e coordinada de investimentos e actuacións, así como o intercambio de toda a información precisa no que atinxe aos proxectos de Administración electrónica, que se centrarán en actuacións en materia de tecnoloxías da información e das comunicacións necesarias para garantir o desenvolvemento e funcionamento desta, establecendo os mecanismos de interoperabilidade, seguridade e identidade dixital.

VIII.- Que a Xunta de Galicia desenvolveu infraestruturas, aplicacións e os servizos que poden compartirse coas Entidades Locais para aproveitar así os esforzos realizados e acelerar o desenvolvemento da Administración electrónica daquelas.

Do mesmo xeito, a Xunta de Galicia, nos últimos anos, formalizou diferentes convenios para o impulso da Administración electrónica, considerando a posibilidade de adhesión para as Entidades Locais, en concreto:

- O 17 de abril de 2007, a Administración Xeral do Estado formalizou un convenio marco coa comunidade autónoma de Galicia (publicado no BOE do 5 de xullo de 2007 e no DOG o 6 de xullo de 2007), para a implantación dunha Rede de Oficinas Integradas de Atención ao Cidadán (Oficinas 060) no ámbito territorial de Galicia.
- O día 12 de marzo de 2008, o Ministerio de Administracións Públicas e a Xunta de Galicia asinaron un convenio de colaboración para a prestación mutua de servizos de Administración electrónica, entre os que destacan a conexión á Rede SARA e o acceso a diferentes servizos relacionados ofrecidos polo MAP.
- O día 12 de xuño de 2008, a Xunta de Galicia formalizou un convenio en materia de Administración electrónica coa Junta de Andalucía, cuxo obxectivo é o desenvolvemento e o impulso da Administración electrónica en áreas como a mellora dos procedementos administrativos.

IX.- Que lle corresponden á Consellería de Presidencia, Administracións Públicas e Xustiza, conforme ao disposto no Decreto 303/2009, do 21 de maio, entre outras, as competencias relacionadas coa xestión do portal de Eido local,



de métodos de calidade nas Entidades Locais, así como o fomento e impulso da incorporación das novas tecnoloxías, en colaboración coa Secretaría Xeral de Modernización e Innovación Tecnolóxica.

X.- Que á Secretaría Xeral de Modernización e Innovación Tecnolóxica lle corresponde, segundo o Decreto 325/2009, do 18 de xuño, de estrutura orgánica dos órganos superiores dependentes da Presidencia da Xunta de Galicia, o impulso, asesoramento técnico e apoio en materia de tecnoloxías da información e as comunicacións e a súa aplicación para a modernización, innovación e desenvolvemento tecnolóxico de Galicia.

Neste sentido, a Secretaría Xeral de Modernización e Innovación Tecnolóxica exercerá, entre outras, as competencias relativas ao apoio a todas as consellerías e organismos dependentes da Xunta no deseño e execución dos proxectos de sistemas e tecnoloxías da información que dan soporte á súa operativa, o impulso, xestión e coordinación da Administración electrónica, como elemento indispensable para a modernización da Administración pública; a promoción e regulación da implantación da Administración electrónica no ámbito da Xunta de Galicia, da súa relación coa cidadanía, e noutras organizacións de ámbito local e provincial en coordinación coas administracións provinciais e locais correspondentes, así como a interlocución e regulación de acordos con outras administracións ou órganos en relación co emprego dos sistemas de información corporativos da Xunta de Galicia ou a interconexión con estes.

XI.- Que é interese da Fegamp colaborar coa Xunta de Galicia no desenvolvemento da Administración electrónica nas Entidades Locais coa finalidade de mellorar os servizos prestados ao cidadán e conforme á previsión do modelo de Administración única, en base ao modelo xeral de Administración electrónica que inspira o Goberno Galego.

Como consecuencia de todo o exposto, en atención ao obxectivo último de alcanzar unha Administración pública galega coordinada, cohesionada, interrelacionada e interoperable, en definitiva, eficiente e útil de cara a todos os cidadáns, é de interese de todas as partes asinantes aprobar un marco estable de colaboración en materia de Administración electrónica, a fin de dar cumprimento ás prescricións legais en vigor e ás que poidan derivarse de normativas futuras do nivel autonómico ou estatal.

Así, as partes reunidas acordan subscribir o presente convenio para o apoio ao desenvolvemento da Administración electrónica nas Entidades Locais de Galicia, en base ás seguintes,



CLÁUSULAS

CAPÍTULO PRIMEIRO. DISPOSICIÓN XERAIS

Primeira. Obxecto do convenio

O presente convenio ten por obxecto o impulso e desenvolvemento da Administración electrónica nas Entidades Locais de Galicia, coa finalidade de lles garantir aos cidadáns o acceso electrónico aos servizos públicos mediante a implantación de procedementos, plataformas e redes de comunicación que posibiliten a súa interacción con calquera Administración pública.

Por conseguinte, este convenio establece ademais os mecanismos adecuados para asegurar unha maior participación, coordinación de investimentos, actuacións e intercambio de información entre as partes asinantes.

Segunda. Ámbito de aplicación subxectivo

O presente convenio é de aplicación para a Administración da comunidade autónoma de Galicia e para toda a Administración local de Galicia, incluíndo as Entidades locais territoriais e as non territoriais, nos termos establecidos nos artigos 1 e 2 da Lei 5/1997, do 22 de xullo, de Administración local de Galicia.

Terceira. Normativa aplicable

Serán de aplicación, sen carácter exhaustivo, as seguintes normas:

1. Lei 1/2010, do 11 de febreiro, de modificación de diversas leis de Galicia para a súa adaptación á Directiva 2006/123/CE do Parlamento Europeo e do Consello, do 12 de decembro de 2006, relativa aos servizos no mercado interior.
2. Lei 25/2009, do 22 de decembro, de modificación de diversas leis para a súa adaptación á Lei sobre o libre acceso ás actividades de servizos e o seu exercicio.



3. Lei 17/2009, do 23 de novembro, sobre o libre acceso ás actividades de servizos e o seu exercicio.
4. Lei 11/2007, de 22 de xuño, de acceso electrónico dos cidadáns aos servizos públicos.
5. Lei 56/2007, do 28 de decembro, de medidas de impulso á sociedade da información.
6. Directiva 2006/123/CE do Parlamento Europeo e do Consello, do 12 de decembro de 2006, relativa aos servizos no mercado interior.
7. Lei 34/2002, do 11 de xullo, de servizos da sociedade da información e de comercio electrónico.
8. Lei orgánica 15/1999, do 13 de decembro, de protección de datos de carácter persoal.

Cuarta. Efectos do convenio e adhesión

O presente convenio constitúe o marco xurídico dentro do cal as Entidades Locais poderán asinar a súa adhesión mediante os modelos que figuran como Anexo I e II ao presente convenio.

No momento da entrada en vigor do presente convenio, as Entidades Locais que viñan recibindo os servizos a través do convenio Portelo único disporán dun prazo de tres meses para a adhesión ao presente convenio. A non adhesión no prazo establecido comportará o cesamento da prestación dos servizos amparados no convenio Portelo único.

Quinta. Modificación do convenio

A modificación do presente convenio requirirá a conformidade de todas as partes asinantes, e formalizarase mediante a subscripción da correspondente addenda ao presente convenio.

Sexta. Duración do convenio

O presente convenio será efectivo desde a data da súa sinatura e estenderá a súa vixencia ata o 31 de decembro de 2013, sen prexuízo de que se acorde polas partes expresamente a súa prórroga por períodos bianuais cunha antelación mínima dun mes á data do seu vencemento.


Así mesmo, as partes poderán denunciar o convenio en calquera momento, sempre cun preaviso mínimo de tres meses de antelación á efectividade da devandita denuncia.

Sétima. Resolución do convenio

O presente convenio poderá extinguirse polas causas legalmente previstas e, en especial, pola ineficacia sobrevinda, o incumprimento do convenio ou de calquera das obrigas que contén, ou por outras causas de invalidez.


CAPÍTULO SEGUNDO. OBRIGAS DA ADMINISTRACIÓN DA COMUNIDADE AUTÓNOMA DE GALICIA

Oitava. Sistema de rexistro e información




A Administración da comunidade autónoma de Galicia garantirá a prestación do sistema de rexistro e información de todos os escritos e comunicacións presentados con destino ás Entidades Locais de Galicia a través das oficinas de rexistro e información ao cidadán da Xunta de Galicia, e realizará os investimentos necesarios en infraestrutura informática e de telecomunicacións para a correcta prestación do servizo.

A Xunta de Galicia recoñece a validez e eficacia dos asentos realizados no rexistro da Entidade Local da documentación dirixida a Xunta de Galicia, conforme o establecido no art. 38 da Lei 30/1992 de Réxime Xurídico das Administracións Públicas e de Procedemento Administrativo común.



Así mesmo, a Administración da comunidade autónoma de Galicia establecerá os sistemas de intercomunicación e coordinación de rexistros coas Entidades Locais que garantan a súa compatibilidade informática, así como a transmisión telemática dos asentos rexistrais e das solicitudes, escritos, comunicacións e documentos que se presenten en calquera dos seus rexistros. Para estes efectos cooperarase na creación de rexistros electrónicos para a recepción e remisión de solicitudes, escritos e comunicacións.



Todas as actuacións sinaladas cumprirán os estándares de formato e requisitos de seguridade determinados nos esquemas nacionais de interoperabilidade e seguridade.



**XUNTA
DE GALICIA**



**XACOBEO 2010
Galicia**



Novena. Portal das Entidades Locais

A Administración da comunidade autónoma de Galicia potenciará o portal de internet "Eido local" (www.eidolocal.com), impulsando a súa capacidade como canle de comunicación permanente coas Entidades Locais de Galicia.

Neste sentido o portal Eido local impulsará, nas relacións por medios electrónicos entre a Administración da comunidade autónoma de Galicia e as Entidades Locais, o uso de sistemas de sinatura electrónica conformes á Lei 59/2003, do 19 de decembro, de sinatura electrónica, de xeito que poidan intercambiar documentos administrativos electrónicos para a tramitación dos procedementos administrativos.

Décima. Rede corporativa da Xunta de Galicia

A Administración da comunidade autónoma de Galicia garantizará o acceso á Rede corporativa da Xunta de Galicia a todas as Entidades Locais de Galicia dende a sinatura de adhesión ao presente convenio con unha capacidade troncal de 1Gb/s.

CAPÍTULO TERCEIRO. OBRIGAS DAS ENTIDADES LOCAIS DE GALICIA

Undécima. Utilización dos servizos

As Entidades Locais de Galicia que asinen a súa adhesión ao presente convenio comprométense a facer un uso axeitado dos servizos electrónicos aos que accedan ou que presten segundo as normas sectoriais reguladoras de cada un destes.

Así mesmo, as Entidades Locais de Galicia comprométense a impulsar, promover e difundir entre os seus administrados e o seu persoal a Administración electrónica, mantendo unha actitude proactiva cara á utilización destes servizos, a través de xornadas de formación, difusión e sensibilización das novas tecnoloxías da información e comunicación.




Duodécima. Sistema de rexistro e información

As Entidades Locais de Galicia adheridas ao presente convenio rexistrarán as solicitudes, escritos e comunicacións que os cidadáns dirixan aos órganos da Administración da comunidade autónoma de Galicia nos termos do establecido no artigo 38.4 da Lei 30/1992, do 26 de novembro, de réxime xurídico e procedemento administrativo común, e os asentos realizados terán plena eficacia.

CAPÍTULO CUARTO. OBRIGAS COMÚNS DAS PARTES


Décimo terceira. Intercambio de información



Co obxectivo de facilitar a planificación conxunta e coordinación de investimentos e actuacións, as partes asinantes comprométese ao intercambio de toda a información precisa no que atinxe aos proxectos de Administración electrónica en execución ou en fase de proxecto, nos termos establecidos no protocolo de colaboración asinado o 28 de setembro de 2009.

CAPÍTULO QUINTO. CONTIDOS

Décimo cuarta. Compromisos das partes asinantes



Para impulsar a Administración electrónica na comunidade autónoma de Galicia de acordo co establecido na anterior cláusula e no marco da Lei 11/2007, de 22 de xuño, de acceso electrónico dos cidadáns aos servizos públicos, e da lexislación autonómica na materia, as partes asinantes comprométese formalmente a:

1. Impulsar o deseño de plataformas de Administración electrónica para a súa implantación e uso común polas Entidades Locais da Comunidade galega, en especial polas que por razóns obxectivas non poidan atender polos seus propios medios as obrigacións consignadas na lexislación sinalada, co obxectivo de impulsar a modernización da Administración electrónica.



2. Promover a utilización, cesión, transferencia e compartición das devanditas plataformas electrónicas, así como, en xeral, de sistemas, aplicacións ou software de titularidade das partes asinantes do presente convenio, para o seu uso por outras administracións, institucións e entidades, de natureza pública ou privada, tanto do devandito ámbito territorial, como do resto do Estado, conforme ao establecido nos artigos 45 e 46 da Lei 11/2007, antes sinalada, e segundo o que se determine nos correspondentes convenios ou acordos de colaboración, sempre que sexa posible conforme á natureza e contido das plataformas e dos cesionarios destas.
3. Fomentar a implantación e desenvolvemento dun marco galego de interoperabilidade sobre a base do principio de neutralidade tecnolóxica e do impulso da aplicación de estándares abertos.
4. Impulsar as políticas de seguridade da información no seo das administracións públicas da comunidade de Galicia.
5. Impulsar o uso e desenvolvemento da sinatura electrónica e dos servizos asociados a esta.
6. Contribuír á consolidación e despregamento de redes interadministrativas de comunicacións electrónicas entre as administracións públicas da Comunidade galega.
7. Fomentar a participación electrónica da cidadanía que permita eficazmente a posibilidade de coñecer, manifestarse ou co-decidir nos asuntos públicos de competencia das respectivas administracións.
8. Realizar, directamente ou a través de acordos de colaboración con outras entidades ou institucións, actividades de formación, información, publicidade e comunicación en materia de Administración electrónica.
9. Promover e facilitar a incorporación das Entidades Locais ao presente convenio, de acordo co protocolo de adhesión que se recolle nos Anexos I e II.

Décimo quinta.- Catálogo de servizos adicionais

No marco de desenvolvemento da Administración electrónica en Galicia, defínese o catálogo de servizos adicionais (Anexo III) que se prestan no marco do presente convenio, e incorpóranse aos servizos xa identificados e que se consideran de valor no ámbito das Entidades Locais.

As modificacións ao catálogo de servizos adicionais serán aprobadas no ámbito da comisión de seguimento do presente convenio. Cada un dos servizos poderá estar suxeito a condicións particulares que serán concretadas e aprobadas no catálogo. Estas poderán referirse á obrigatoriedade de uso, custos e requirimentos previos.

Décimo sexta.- Soporte, formación e difusión

A Xunta de Galicia realizará as actividades de soporte ás Entidades Locais dos servizos incluídos neste convenio, así como as tarefas de asesoramento e apoio para o desenvolvemento da Administración electrónica.

Do mesmo xeito, realizará as tarefas de formación ás Entidades Locais e de difusión cara ás propias entidades, cidadáns ou outros ámbitos implicados dos servizos incluídos neste convenio.

A formación do persoal dos asinantes do presente poderá realizarse en colaboración coa Escola Galega de Administración Pública ou de xeito descentralizado.

CAPÍTULO QUINTO. SEGUIMIENTO DO CONVENIO. COMISIONS

Décimo sétima. Seguimento da execución do convenio

1. Para o debido seguimento do convenio, incluída a súa posible revisión, modificación, adecuación ou actualización, prevese a existencia dunha comisión de seguimento. O seguimento da execución do presente convenio comprenderá:

- A observación da implantación e efectiva aplicación deste.
- A solución de controversias suscitadas na interpretación deste convenio.
- A coordinación e colaboración na implantación das distintas iniciativas recollidas neste convenio.
- As propostas de modificación do presente convenio.
- A elaboración de normas e protocolos de desenvolvemento deste convenio.
- A conformidade ás posibles adhesións ao presente convenio que se soliciten polas Entidades Locais, aplicando o modelo incorporado no Anexo IV deste convenio, sen prexuízo de que, mediante acordo desta, poida delegar a devandita competencia nalgún ou algúns dos seus membros.



2. A estes efectos, constitúese a Comisión de Seguimento do presente convenio, como unha das subcomisións no marco da Comisión de Dirección do Protocolo de colaboración do 28 de setembro de 2009, que estará integrada por:

- A persoa titular da Consellería de Presidencia, Administracións Públicas e Xustiza.
- A persoa titular da Dirección Xeral de Administración Local da Consellería de Presidencia, Administracións Públicas e Xustiza.
- A persoa titular da Secretaría xeral de Modernización e Innovación Tecnolóxica.
- A persoa titular da Dirección Xeral de Avaliación e Reforma Administrativa da Consellería de Presidencia, Administracións Públicas e Xustiza.
- A persoa titular da Dirección Xeral da Función Pública da Consellería de Facenda.
- A persoa titular da Secretaría Xeral da Xunta Consultiva de Contratación Administrativa.
- Oito representantes da Federación Galega de Municipios e Provincias, dos que unha metade serán propostos polos representantes dos municipios e outra serán propostos polos representantes das provincias.

3. A Secretaría da Comisión será desempeñada por un funcionario ou funcionaria designada pola Secretaría Xeral de Modernización e Innovación Tecnolóxica da Xunta de Galicia.

4. Esta comisión reunirse en sesión ordinaria dúas veces ao ano.

5. En sesión extraordinaria reunirse cando o solicite polo menos unha cuarta parte dos membros da Comisión.

6. Será de aplicación o réxime establecido para os órganos colexiados no capítulo II do título II da Lei 30/1992, do 26 de novembro, de réxime xurídico das administracións públicas e procedemento administrativo común.

CAPÍTULO SÉTIMO. RÉXIME ECONÓMICO DO CONVENIO E DESENVOLVEMENTO

Décimo oitava.- Financiamento.



**XUNTA
DE GALICIA**



**XACOBEO 2010
Galicia**



A Administración da comunidade autónoma de Galicia e as Entidades Locais de Galicia que se adhiran ao convenio asumirán respectivamente, con cargo aos seus propios orzamentos, as accións que se deriven do cumprimento do presente convenio.

Décimo novena. Desenvolvemento do presente convenio

A proposta da Comisión de Seguimento ou de calquera das partes asinantes, e sen prexuízo das atribucións conferidas ás comisións previstas no capítulo quinto deste convenio, poderanse subscribir por aquelas os correspondentes convenios singulares de desenvolvemento, para o mellor cumprimento das súas prescricións, en especial cando vaian establecerse obrigacións de financiamento ou para a creación e posta en marcha de instrumentos organizativos e funcionais.

CAPÍTULO OITAVO. RESOLUCIÓN DE CONFLICTOS


Vixésima. Natureza do convenio e discrepancias

O presente convenio ten natureza administrativa.

En especial, o convenio queda suxeito ao artigo 9 da Lei 30/1992, de 26 de novembro, de réxime xurídico das administracións públicas e do procedemento administrativo común, á Lei 7/1985, de 2 de abril, reguladora das bases do réxime local, fundamentalmente ao seu artigo 57, así como ao Real decreto legislativo 781/1986, de 18 de abril, polo que se aproba o texto refundido das disposicións legais vixentes en materia de réxime local (artigos 61 a 71), así como, con carácter supletorio, aos artigos 6 e 8 da Lei 30/1992, citada, e ao resto da normativa que resulte aplicable.

As controversias que puidesen exporse sobre a interpretación e execución do presente convenio deberán resolverse de mutuo acordo entre as partes, no seo da Comisión de Seguimento prevista na cláusula décimo sétima do presente convenio.

As cuestións litixiosas que poidan xurdir na aplicación deste convenio quedarán sometidas á xurisdición contencioso-administrativa, de conformidade coa Lei 29/1998, do 13 de xullo, reguladora da devandita xurisdición.



XUNTA
DE GALICIA



XACOBEO 2010
Galicia



Disposición adicional primeira. Consentimento de inclusión de datos

As Entidades locais consenten a inclusión dos datos relevantes deste convenio nos rexistros públicos que proceda, conforme coa disposición adicional do Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, dos orzamentos xerais da comunidade autónoma para o exercicio 2006 e o artigo 16 da lei 9/2007, do 13 de xuño, de subvencións de Galicia.

E, en proba da súa conformidade, as partes comparecentes asinan o presente convenio, no lugar e data sinalados *ut supra*.

O Conselleiro de Presidencia,
Administracións Públicas e
Xustiza

Alfonso Rueda Valenzuela

A Secretaria xeral de
Modernización e Innovación
Tecnolóxica

M.ª del Mar Pereira Álvarez

O Presidente da Fegamp

Carlos A. Fernández Castro

ANEXO I

PROTOCOLO DE ADHESIÓN DA DEPUTACIÓN PROVINCIAL DE

D./dona (nome e cargo), en representación da (Deputación Provincial),

DECLARA:

Que o (órgano competente) de (Deputación Provincial) acordou, con data ... de de 201..., solicitar a adhesión ao Convenio de Colaboración entre a Xunta de Galicia e a Fegamp para o desenvolvemento da Administración Electrónica nas Entidades Locais da Comunidade Autónoma de Galicia, e, en consecuencia,

MANIFESTA:

A vontade de (entidade local) de adherirse formal e expresamente a todas e cada unha das cláusulas do convenio mencionado, asumindo as obrigas e compromisos derivados do mesmo e con suxección plena a todas elas.

(Lugar, data e firma)

ANEXO II

PROTOCOLO DE ADHESIÓN

D./dona (nome e cargo), en representación de (Entidade Local),

DECLARA:

Que o (órgano competente) de (Entidade local) acordou, con data ... de de 201..., solicitar a adhesión ao Convenio de Colaboración entre a Xunta de Galicia e a Fegamp para o desenvolvemento da Administración Electrónica nas Entidades Locais da Comunidade Autónoma de Galicia, e, en consecuencia,

MANIFESTA:

A vontade de (entidade local) de adherirse formal e expresamente a todas e cada unha das cláusulas do convenio mencionado, asumindo as obrigas e compromisos derivados do mesmo e con suxeción plena a todas elas.

(Lugar, data e firma)

ANEXO III

CATÁLOGO DE SERVICIOS ADICIONAIS

Dotación de Infraestruturas
Interconexión entre administracións (Rede SARA).
O servizo comprende a conexión a unha plataforma básica de comunicacións de ámbito privado, cuns servizos básicos e unha política de seguridade común para facilitar o intercambio seguro de información entre as aplicacións das Administracións Públicas conectadas á rede SARA.
Aloxamento en CPD
Espazo de aloxamento no CPD corporativo da Xunta de Galicia, orientado fundamentalmente a servizos de <i>back-up</i> ou respaldo. Servizos de virtualización e aloxamento para as Entidades Locais de Galicia. Servizo de aloxamento en función de demanda e capacidade da SXMIT.
Acceso a internet
A liña base é de 8Mb de baixada e 640kb de subida. A capacidade da liña queda supeditada á dispoñibilidade existente na zona.

Servizos
Acceso á Plataforma de contratación pública de Galicia
Acceso ao Catálogo de procedementos electrónicos da Xunta de Galicia
Acceso ao Rexistro xeral de contratistas da Xunta de Galicia
Acceso á Plataforma de rexistro electrónico de facturas
Uso dos servizos habilitantes da Administración electrónica da Xunta de Galicia
Uso dos servizos de interoperabilidade entre AAPP da Xunta de Galicia
Rexistro de nomes de dominio
Correo electrónico
Acceso ao catálogo de procedementos electrónicos "Concellos - Cidadán"
Adhesión a la red de oficinas 060



XUNTA
DE GALICIA



XACOBEO 2010
Galicia



ANEXO IV

MODELO DE CONFORMIDADE DA COMISIÓN DE SEGUIMENTO Á ADHESIÓN DE ENTIDADE LOCAL

D./dona, na súa condición de Secretario/a da Comisión de Seguimento do Convenio de Colaboración en materia de Administración Electrónica no ámbito da Comunidade Galega, subscrito en data de 2010 entre a Xunta de Galicia e a Fegamp

CERTIFICA:

Que na reunión de data de de 2010, da citada Comisión de Seguimento, acordouse dar a conformidade á solicitude de adhesión formulada polo (entidade local).

O que certifico en, a de de dous mil ..

(firma)